

OMUKUETU

No: 6.

Juni

1954



Ngashi ojendji je shi kundana nokuli omubisofi gumue omusuomi edina lje Martti Simojoki nomuulikitumo Tuure Vapaavuori otaje ja okutalelapo omagongalo gOuambo. Ompaka tatu mu monicile omafano gauo. Omuulikitumo, omusamane Tuure Vapaavuori ta cikama mu Junie nokuli, ihe ta ji tango ku Tanganyika, Omubisofi Martti Simojoki ta cikama mu Augustus jo taje ja ihe pamue mOuambo muka.

Oojakuetu ooitaali, tu galikaneni shili Omuaa Kalunga a jambeke olueendo nduka luauo, Jo jene ja talalekue moomuenjo dauo ku shoka taje ke shi mona muka nomagongalo getu ga lalekue uo nuujamba koohapu dauo nokomakundo gauo agehe.

Omuaa Kalunga e ja endice naua!

EGALIKANO.

ILA OMBEPO ONDJAPUKI.
ZA MEGULU NGU KULUKILE
PEVI OKUADIMICA KRISTUS MOO-
MUENJO DETU,
ILA EKUACO LJOOHEPELE,
ILA OMUGANDJI GUOMAGANO,
ILA UJJELELE UOMUENJO.
ONGOJE OMUTALALEKIELELA,
OMUJENDA OMUHOOlike GUO-
MUENJO,
OMUHUHULUKICI OMUTOJE.
MIILONGA ONGOJE EVULULUKO,
ETALALEKO MUUPJU,
EHEKELEKO MOLUHODI.
ONGOJE EADIMO NUJJELELE UUA-
PUKIELELA.
UUDICA OOMUENJO DGOITAALI
JOJE.
ANDO OONKONDO DOJE DAAPO
ANDO KAPU NA SHOKA SHAA NII-
PUE.
JOGA SHOKA SHA NJATA.
TUTIKA SHOKA SHA KUKUTA.
PUPJALEKA MPOKA PU NUUTALALA.
KONGA AAKANI AJEHE.
GANDJA OMAGANO GOJE OMAJA-
PUKI KU MBOKA TAA DIGININE
OKUIGAMEKA KUNGOJE.
KOLEKA EITAALO.
GANDJA EHULILO LI NELAGO.
GANDJA ENJANJU LJAALUHE.
AMEN.



OONDJUULUKUE DOMBEPO.

Oua juulukua u ude Ombepo ndjo
Tajiningi joitaali jeuvaneko?
Moshikaha sha Jesus to mu peua nga
Omomuenjo ngu guaa na sha.

Tal' ejambeko ndi omagano nga;
Otse jene itatu ilongele sha.
Okondundu jesindano taalela,
Ojo ndjo ja Golgata.

Shino shimue ashike to vulu mpa:
Opoompadi d'Omukulili galikana.
Poshijambelo kuata kooniga do.
Tega, indil' ejambeko.

KALUNGA NGOKA TA JAMUKULA OMULILO OJE KALUNGA. (1 Aak. 18:24.)

Oaltari ja li ja tungilua ku Karmeli.
Likuni ja li ja longelua koaltari. Nejambo
lja li lja tulua kombanda jiikuni.

Nena pua landula ejeleko enene:
„Kalunga ngoka ta jamukula nomulilo, oje
Kalunga.

Naasaseri ja jamba oja galikana. Oja icana
nokuigida Kalunga kauo. Oji ihende no ja
tikile ombinzi. Ihe inaku holoka nando
omulilo.

Nena Elia kue ja po mpoka. Oje a
galikana: Nomulilo gua denge pevi. Aantu
noji igida: Omuaa oje Kalunga! Mu longe-
leni!

Omulilo gua kuluka megulu mu
Pentekoste. Uuna ndujaka Kalunga iiholola
oje Kalunga. Oje a jamukula egalikano
netegelelo ljaalongua je nomulilo.

Nomulilo nguka kagu nokudima po
nando. Ooaltari nomajambo nomagalikano
nomakambadalo taga kuaca shike ngele
omulilo guOmua itagu huama. Na nena uo
Omulilo guOmbepo tagu hokolola kutja
Omuaa oje Kalunga. Ihe opo shi ningue
aana ja Kalunga jojene je nokukulukila
koaltari, je nokuigandja ja huamekue, je
nokuigandja ja lungunicue komulilo, shaa
tuu omulilo tagu huama.

Oshoka natango uujuni tau tegelele
onzapo: Kalunga ngoka ta jamukula nomulilo,
oje Kalunga.

Omulilo guOmbepo gu nokuhuama
aluhe koaltari jomuenjo guomuna gua
Kalunga. Omulilo guepacimo guuladi tagu
huama okacimbo nena tagu dimi e tagu
ningi omulilo guomakala taga tsina kasho-
na kouala. Mokukala kuaakriste ojendji
kamu nuudiginine. Miigongi omakala taga
pepelua no taga temenene noonkondo
uunene, ihe omulilo nge itagu hohelua
nena taku ja ihe omvulue nomulilo tagu
dimununa isheue no muushiinda uomukriste
ajihe otaji shituka uatalala nomilema. Nena
omboka je ja naale komulilo manga gua
huama taa uvu uatalala. Nena taa zi po
pomutoko kagu nomulilo e taa ji muujuni
momilema.

Omuaa ta ti: Omulilo koaltari nagu
hohelue gu teme inagu dima po nando
esiku limue.

Omulilo gua temua ku Kalunga gu
nokugamenua. Kaku na naua oshilonga
omulilo nge tagu temununua cuala omaci-
mbo nomacimbo, aue, gu nokutonatelua
guaa dime nando lumue.

Frd. Wisloff.

Heda ano, ongashika u li po,
Ngoje u tindile mpo opomushigakano.
Ngel' Onzigona Jesus to mu taalele,
Onuujamba ta laleke.

Ano muenjo gua njata gu matula,
Nomapunduko goje ga hololola
Omuaa Jesus Omukuaci guoohepele,
No ta gandja oonkondo de.

Omagano tuu ngoka gejambeke
Omijuma jouala ohaga ji mo,
Okiilalo juulunde noohodi uo
Oto mono ealudo.

Omilonga d'Ombepo d' eguluka,
Okombinzi ja Jesus nda jogokeka
Tamu zi omiikaha ja uululua
Omajambeko ngo ga pua.

Mel. Sina kaipaato tayteytta Hengen sen.

HAILUME.

Membo limue edina ljaljo „Onder die kindere van Cham“ tamu hokololua etameko ljoshilonga shetumo mokati kaakuanjama. Aatameki oja li aahongi aaduitsi nomukuluntu guauo oje omuhongi Wulthorst. Oje ta hokolola oshilonga shauo mOukuanjama. Mpaka tatu eta mo ehokololo limue membo tuu ndjoka.

Kokule najo kashona uule u cike ando pootundi mbali okua li kua kala omulumentu ngoka a kala oomvula odindji ku na konasha netumo, edina lje Kankungua. Ecimbo ele oje okui ilongo okutseja okatekisa pomuhongi Tonges mo Namakunde. Oje okua li kokule kashona na Namakunde uule ando uootundi ndatu, ihe oje okue ja aluhe moshuike luaali kolupadi opo i ilonge, nongele a shuna kegumbo lje, okua tameke okulonga uo aantu jomegumbo lje ajihe mbjoka ta dimbulukua. Ongulohi kehe okui icana aashiinda je koandaha nokua kambadala oku ja longa oohapu da Kalunga. Aashiinda je oje mu sheke, ihe oje okui ididimike. Unene gumue Hailume, okua li e noku mu ididimikila. Kankungua okua ji esiku limue komuhongi nokue mu indile e je ko lumue moshuike kegumbo lje, opo a popice aantu jomegumbo lje noohapu da Kalunga. Omuhongi okue mu uvaneke ote shi ningi, netitatu kehe omuhongi okua ji ko nkoka. Kankungua nezimo lje naashiinda je ja gongala momuti, nokue ja leshele oohapu da Kalunga mOmbibeli.

Metitatu ekuauo omuhongi okue ja lombuele uupopepi ua Kalunga nohoole je. Konima joshigongi oja popicacana, omuhongi nokue ja pula shoka ju uvu meuvico lje. Hailume ngoka ha sheke aluhe Kankungua okua ti: „Omuuhongi, nena oua popi sha kashi shi oshili.“ „Oshishike?“ omuhongi a pula. „Ngashingeji oua ti, Kalunga oku shi ndje je oku hoole ndje.“ Ota vulu ngiini okutseja ndje nokuhoola ndje?“ Omuhongi okua popi naje, nokua kambadala oku mu fatululila, ihe oje okui ipuku omutse gue e ta ti: „Otashi vulika ngiini aae, ngame ke shi ndje, je ke hoole ndje?“ Nando ni icane ndje itandi ji ko.“

Omuuedi oda piti po, omuhongi okua kala noku ja ko, kehe esiku Hailume uo okua li mokati kaapulakeni. Omuhongi okua njolele kevi ljaandjauo kookuume ke nokue ja hokololele shoka shi li pokati kauo na Hailume, nokue ja indile je mu galikanene, Omuaa a jambeke oshilonga she muje. Esiku limue Hailume okua ji koskola nokua kamutumba koshipundi shokonimala, nokua tala omuhongi nokukumua, okua diladila ngiika oohapu dauo dotango. Oje sho a mono omuhongi ke nakonasha oku li naje nombili ngashi jalue uo, oje okua tsuaa omukumo nokua heda popepi.

Omuuhongi okua dimbulula kutja Hailume ina dina ue oohapu da Kalunga, momuenjo gue omua tameke sha oshipe. Pecimbo ndjoka omuhongi okua li e nokushasha aamati jamue omboka ja li nale miilonga jomukuaniilua no ja li haa longo iilonga ojindji iuinaji ngashi Hailume, nomolu iilonga mbika oje oja li ja sohoni omulajajo oje sho ji itedulula. Iilogna jauo iuinaji oja li je noku ji hokololele omuhongi. Oshituci sheshasho osha longo sha momuenjo gua Hailume, nokua tokola uo e je ku Jesus. Konima jeshasho oje okua li omutagno e ja okulungua ashihe sha pumbiua opo a shashue. Omuhongi sho e mu pula: „Oui itaala ngashingeji kutja Kalunga oku ku shi no te ku icana?“ „Eeno, ondi itaala onke nde ja,“ osho a jamukula.

Ecimbo ljokukala moskola jeshasho oje okue shi holola kutja Ombepo ja Kalunga otaji longo momuenjo gue. Oje okui ilongo okudimbulula oondjo de, esiku limue okue ja komuhongi nepulo enene ljaajihe: „Ondi nokulonga shike ndi hupicue?“ Opo mpoka otandi odigu ja tameke, ihe omotundi tuu moka aajengeleli ja mono enjanju. Omacimbo gamue omuhongi okua li a tala kutja Hailume a fa ta shuna monima, na Satana ta mono ngeji ompito momuenjo gue, ihe omolu omagalikano ajihe oja kala naua, nomuhongi okua mono oshilonga tashi humu komeho momuenjo gue.

Esiku limue Hailume okui ile omuhongi e mu fale komuvu. Ondjila jokuja ko

oja li jimue ajike ondjoka haa ende noojakuauo jokOluhua nge taje ja komambo. Ojo sho je ende okacimbo, no je ja pehala mpoka iihua ja li inaji cita unene. Hailume okua cikama nokua ti: „Opo hatu gongala aluhe mpoka mosondaha nge tatu ja komambo.“ „Ijoo“ omuhongi a jamukula, ohamu tegelelacana mpono sigo ajehe ja gongala e tamu ja ihe?“ „Aae“ omumati a ti, „Hasho Mpaka ohatu gongala okugalikana manga inatu ja mongulu ja Kalunga“ „Ohamu galikana shike?“ omuhongi a pula. „O, ohatu galikana Omuaa a egulule oomuenjo detu nomakutsi getu tu uuve ko naua oohapu da Kalunga, nohatu u galikanene uo!“ omugundjuka a jamukula. Omuhongi okua li a kumua je ina vula okujamukula sha, ihe momuenjo gue okua galikana Omuaa nepandulo, „Omuaa shika osho oshilonga shOmbepo Ondjapuki, ongoje ua kuca po okuaaitala no ua gandja omuenjo“. Oluindji omuhongi okua li e nokucikama komeho goomuenjo oontalala daapagani, nokua tala pamue oohapu de e di ja uuvicile oda guile ouala mevi ekukutu. Hailume kua li uo gumue guaa mboka, oje sho kui ipuku omutse gue nokua ti: „Nando Kalunga ni icane ndje itandi ji.“ Ihe ngashingeji omuenjo gue ja, oje oji ilongo okutseja ocicija jomuenjo noje ji longica.


Konima joomuedi Hailume nokangu ndu koojakuaauo jalue oja cikama komeho goaltari ja taambe eshasho ejapuki no je taambelua ngeji megongalo. Konima jeshasho oji imbi pamue negongalo. „Nda mangululua kesilohenda“. Ajehe oji imbi noomuenjo du uuda enjanju, na Hailume okua pe omuhongi oshikaha she a taambelua ngeji megongalo. Oje okua shashua Johannes, edina okue li hogolola je muene. Aakriste mboka ja zi komahala galue oja shuna, nokuimba momakana nokoomuenjo dauo, no megongalo uo oji imbi sigo uusiku omambilo agehe je ga longua noomuenjo du uoda epandulo omuhongi nomukulukadi gue oja tala oomvula adihe da piti piti po, nashoka Kalunga e shi longo okesilohenda lje. Ohole ja Jesus oja sindana, noja li je na omukumo okudiladila komeho, nokiiguana ajihe ompoka Omuaa teja tumu. Eeno, oje oja li taa vulu okugalikana. Kalunga na hambelue ohe jOmuaa guetu Jesus Kristus ongoka e tu jambeke. Omuaa ja kuaca ja gamena omboka ue ja landa nombinzi joje ji nondilo.

Konima jeshasho Johannes noojakuauo jamue aakriste aape oja ji ku Tsumeb opo ja konge iilonga. Omuhongi okua tala pamue aakriste mbaka aagundjuka itaa kala naua nkuijaka, ihe konima jivike okua zi jamue ku Tsumeb noja hokolola Johannes (Hailume) noojakuauo otaa longo uuanaua, na oji ikolelela meitaalo. Nuudiginini otaa kuacacana nongulohi otaa gongala pamue okuua oohapu da Kalunga. Okukala nkuuka kuauo okua hili uo jamue noja hala okutseja oohapu da Kalunga. Pecimbo ndjoka auuambo jamue oje ja komuhongi nuutikisa uauo noombibeli no ja ti, oja hala moskola. Omuhongi ngele te ja pula shoka she ja ada ja tameke ngeji okuja, oja ti: „Aakriste mu Tsumeb.“ Osho omuenjo gua li gua holola ngeji uujelele uagu.

Konima joomuedi dimue Jchannes okua galuka, omuhongi okua mono nkene a li a diginine nokua kolelela meitaalo, nando e li mokati kaapagani oje a hokolola Omuaa gue. Omeho ge ga adima ngele to popi naje eitaalo lje, nokua li a muena nokua njanjukua mu Kalunga ke.

Oje okua kala ha ji ngeji ku Tsumeb no komaha galue mu Suidwes, ihe aluhe okua galuka. Esiku limue okua njolele omuhongi nokue mu pandula sho e mu fala ku Jesus. Okua njola mo uo mombapila enjanju lje enene sho e shi shi Jesus okue mu taamba. Ihe okua li uo e noshimpuiju oshinene, noshimpuju shika osho omuuajina ini itedulula natango. Ombapila je oja li ja hulica noohapu: „Omuuameme ina kala muupagani, mu kumagida ngashi ua kumagida ndje, mu galikanena a taambe Jesus a ninge gue.

Konima jiuuie okua zi gumue ngoka a li haa longo naje nokue eta omakundo ga Johannes gahugunina komuhongi. Omu-



OMUNTU HA LONGICA IINAMUENJO.

Atuhe otu shi shi momagumbo oharu kala iimuna: oongombe noonzi niikombo. Ohamu kala uukambe nuusino niingulu noombua nuumbishi noonduhua. Jamue oje noongamelo da deuka. Ihe kiilongo ohaku deulua uo iinamuenjo jilue. Ngashi metano njoka li li kombanda joohapu dika oto mono omumati to opaleke ondjamba ja deulua. Ondjamba da tja ngaaka ohadi longicua kaandia no kaajfrika uo. Odo otadi kauilua no tadi vulu uo okuhumbata omi omidigu. Ondjamba da deuka odi noonkondo do di na uo oondunge odindji.

Aanafarma joku Union oje na oompo hadi kala meni ljoondarate. Mudo omuntu ta mono omaluenja go opala. Oshipa shompo osha simana uo. - Aajapani oje na oodila dokefuta da deulua oku ja kuatela oohi mofuta. - Kuuzilo ua Afrika aantu jamue otaa longica oludi lumue luongue peha ljombua, nge taa ji kuukongo. - Komavi guatalala oombua otadi mangelua kokatembagona kake nomagulu. Oombua 20 otadi hili ngeji nuupu omuntu niinima je.

Omuntu oku shi okulungica uo uupu. Ope nokapuka kontumba haka jogohele omuntu ongedi joceji taji tungicua iijata ji nondilo. Aantu ojendji oje shi kultonatela naua oonjushi di je etele omagadi omatoje momagumbo gauo. Oonjushi domomagumbo ohadi kala miikeca joshipilangi nenge muundunda uoshihenguti. Omueene guikeca ojindji ota vulu okuudica mbala oolata odindji nomagadi goonjushi.

Lesha oohapu domujapostoli mu Jak. 3: 7-8 u mone shoka kashi shi kudeulua natango.

IJAMAKUTI IINENE.

KOuaambo nokiilongo jopuushiinda oku niijamakuti iinene. Ondjamba oje one ne ji vule iijamakuti iikuauo. Ondjamba onkuluntu oji nuule uomucika u vule oofute 11. Uudigu uejogo ljaajo limue alike otau vulu okuaada pooponda 130. Ando u uape okujeleka ondjamba ajihe, andola u mone uudigu uooponda 14,000 (7 ton).

Oshijamakuti hashi humbata omutse guasho nuule osho ombahe. Okuza pevi sigo kooniga dajo okua jelekua oofute 18 nokuli, ano ojaar 6. Ombahe oji nombili niijamakuti iikuauo, shila oji nuumbanda auke, oshoka kaji shi kuiipopila.

Momulonga guOkavango omu noomvu (oondjamba meja). Uudigu uomvu ou cike pooponda 6,000 (3 ton), nuule uajo okuza komilungu sigo komushila u cike poofute 13. Oshipa shajo oshitalala otashi vulu okujeleka ooponda 500.

Onime oje oshilikana hashi tilika no kaantu. Koshilongo sha Kenia okua jahua oonime onene. Sho da jelekua uule uado okuza komilungu sigo petameko ljomushila, okua monika uule u vule oofute 10. Aro oku nokuguedua natango uule uomushila.

Ihe iijamakuti niilikanana mbika ajihe itaji guanica oomvula odindji ngashi omuntu. Otaji kulupa mbala. Oomvula dajo ohadi jalulua ngeji: ondjamba 60, omvu 40, onime 20, nombahe oomvula 15 adike.

gundjuka okua ji muukuaaluhe mbala, oohapu de da hugunina okua ti: „Inda u ka lombuele omuhongi guandje, nde mu tetekelele: „pOmuaa Jesus otatu monacana“ Ohole ja Jesus oja li ja pangele omuenjo gue.

Konima jiita iinene juujuni etumo ljaanduishi Rynse Sending olja gandja oshilonga shaljo shomOuambo ketumo ljaasuomi omolu oompumbue daahongi nodiimaliua. Ngashingeji aahongi aasuomi otaa longo oshilonga shika nokuhuma komeho nomajambeke ogendji.

OUNJUNI TAU HAPULA SHIKE

Suid - na Suidwes - Afrika.

Odula.

Odula inene oja diinina natango mu Maart keembinga neembinga ku Union. Omafiku omahuuninua omu Maart odula oja loka mu Keetmanshoop neengono unene. Oitaua ja ninga omilonga, noihauto ja endela momeva. Neengulu da fa da li mefuta, oule uado u fike po 3/4 jrd. Hano ongulu imue noshaaluata shoipilangi shofabrika imue osha taalua kefundja.

Omashina omalutenda a njengua okuenda fijo ku April pokati ka Kaapland na Suidwes.

Oshitaua pokati ka Swakopmund na Walvisbaai inashi endua. Oihauto ja kala ja tjulile. Omulonga ua Swakop oua li u jadi ndo, nomeva oa tondokele mefuta neengono unene no a etelele mo edu iijo omava ometuta a tu'ma kokule kui.

Olumi (sneeu) oja loka mu Kaapland nomu Transvaal peeñele dihapu, kaashii-nba ovañu ve udite outalala.

Natu hambelele.

Omupangeli omukuluñu ua Suidwes-Afrika (Administrateur) a jandja elaka: efiku etivali la Mei nali ninge efiku lehambalele mu Suidwes-Afrika alishe, oio lokuhambalelela Kalunga odula iua na eshi okalombo inaka njona po omapja ngashi tua li tua tila.

Nande efiku olo la hangika la ja oshifo eshi ta h' holoka, tua uana nga okushiku'a unene elaka lomukuluñu nokuhambalelela Kalunga natango nomeengereka adishe nomoraumbo etu jo.

Oshidu mu Outjo.

Odula inene oja eta oshidu (malaria) kOutjo, shaashi eemue oda kala dihapu. Oshidu eshi inashi monika nale ku Outjo.

Ekondjo lomukulukadi noñgoshi nomakeongaho.

Efiku limue pokati koufiku omuene uo'arama imue jokOutjo a papuduka keulele la dja koshiunda shaje sheedi. A ka

tala ko, okua hanga ko eeñgoshi ne. Okua umba ko onljebo jaje luhapu ndele ina ja popepi. Ongula eshi kua sha a ka tala ne nomukaiñu uaje nounona vaje vavali ndele a hanga ko eeñgoshi mbali da fja. Ndelene ombadilila oñgoshi imue ja nukila omushamane noje mu nata pedu. Fimbo omushamane a li mekondjo lidju noñgoshi, omukulukadi uaje a kuata oñgoshi nomake aje ongaho nande omushamane e mu kelela. Oñgoshi ja efa omushamane noja nukila omukulukadi noje mu undulile pedu. Omushamane a kuata ondjebo nokue i dipaa. Omukulukadi oku li paife mu nasaresa.

Ovanamapja ovambululu

vopu Windhoek ova ninga oshongalele shavo okukundafana ovauambo. Omapja avo e va pumbua, shaashi inashi uapala va peue ovakuafi ava vomu Union ngashi ovazulu. Oshongalele sha holola ehala lasho ovauambo va pitikue okushuna kofarama oko va longele ko nale nenge va hala. Nava udafane hanò noovene vavo neudafano nali kolekue komupolisi.

Noord - Amerika.
Ovajuda.

Mu Noord-Amerika omua valulua kokutja ovajuda aveshe vomounjuni ove li po 11, 627, 000. Mu Israel omu na 1, 463, 000 vomuvo.

Ombili natu ilikanene.

Omupange'i uedu linene la Noord-Amerika, Eisenhower a kumaida ovañu „vehalo liua” va hangane okuilikanena ombili jounjuni. Shaashi ombili tai pumbiua shili komesho joinima aishe. Na ava va hala okuama ku Kalunga Omunaeñgono adishe ove li po 1000,000.

Suid - Amerika.

Suid-Amerika la talua edu loukatoli. Omu na oilongo 22. Ovañu vomujo ovakatoli va ti, ve li po oshititatu (150,000,000) shovakato'i aveshe vomounjuni. Ndelene ombinga inene eemiljona efele limue (100,000,000) kavz novapristeri. Pu na va-

hapu itava mono omupristeri nande lumue mokukalamuenjo kuavo. Mokukala kuavo va fa ovapaani. Okufimaneka oidila noiketi (eitavelo loñoño) okua tana. Ovaindiani novabasteri otava fimaneke oikalunga ihapu, na Kristus tave mu tale umue uomujo. Nokukala kuavo oupaanielela ngashi hava kala novakaiñu vahapu.


Etumo ekuavevangeli la longua ko eedula 40, unene kovaamerika vokoNoord, no la taandavela neengono. Ava tave lidilulula ve nokuiteka oikoluifa nokulekela ovakaiñu nava kale na umue auke, na va hale shili okushikula Jesus.

Japan.

Mu Japan omu novañu ve fike po 88,000,000. Muvo ovakriste 460,000. Okudja komudo 1952 ovakriste va hapupala va ninga 63,000. Etatakati lomuvo ovaevangeli.

Noord - Amerika; Omuevangeli omunene.

Oje omuamerika edina laje Billy Graham. A shiivika mounjuni aushe, shaashi a endaenda momadu mahapu nokuudifa evangeli. Eedula daje 35. Paife a hangika oku li mu London, moshilando shepangelo shomu England. Ovañu tava ongala unene vahapu shili. Ovo itava uana mongerki nande i li po inene. Graham okua udifila kelundu ledeulo (sportveld) omo tamu uana ovañu ve fike po 11,000 ngashi ovaukualuudi novauukoloñkadi. Ndelene natango aveshe ava va hala inava uana. Efiku limue mu Amerika ovapuulikini vaje va li ve fike po 75,000. Unene a hala okuongela ova-keenakona sha na Kalunga novashunimonima na ava va efa ongerki. Ovañu efele limue otave lidilulula efiku keshe. Eeñgono daje ote di teke meendjovo da Kalunga. Ota udifa pakanona, omuñu keshe a ude ko. Ota udifa epangulo lijuki la Kalunga ngenge ovañu itave lidilulula, ndelene oujamba uefילונגenda jo. Okudiinina ongerka noku-fimaneka oukriste inaku uana. Omuñu e nokutambula Kristus Omukulili uaje mune nokuendela moupe uokomuenjo meumbo laje na apa e li. Graham ta ningi mu England eehani natu opo ne ta i ku Sweden nomu Berlin noku Suomi jo mbela.



Shika to shi tala mefano ndika itashi ningua ue oluindji momasiku ngaka getu. Ha oluindji omuntu to kondjica onime oshipala noshipala. Ihe muujuni uongashingeji omu na iilikama ji ili u noku ji kondjica.

Aapukici omo je li ojendji muujuni mbuka uetu, onke ou nokuilongekida shili oku ja kondjica naua. Aapukici ojendji ojo aanandungelala. Onke na ngoje uo opo u uape oku ja kondjica u nokuilikolela oondunge. Otangotango ou nokutseja okulesha nokunjola naua elaka ljoje muene.

MOSHILANDELOMAMBO omu na ngashingeji embo limue lja hala okukuaca ajehe mboka haa njengua natango okunjola naua elaka ljauro. Edina ljembo ndjoka oljo ELAKA JLOOMEME. Tali pula omapeni 9 (-/9) Uunene aamati ne mboka mu li kUushimba, endeeleni okuilandela embo ndika, opo mu ilonge okunjola naua oombapila deni nuunene oadresi joombapila no joopakete deni; opo daa kanene mondjila.

OKAMBO KOPEKE naka kulupe peke ljomuuambo kehe. Membo ndjoka omu na naa naa onduge ndjoka to ji pumbua shili mokukondjica iilikama jopecimbo ljetu. Otaka landua nocilinga jimue (1/-).


MUA PEUA OMAGANO oljo edina ljembo epe tali tu hokololele oshilonga shaasitagongalo jaali. Embo ndika uo otali tu longo iilongua iuanaualela. Tali landua nocilinga jimue (1/-).

EJELICILO LJUUNDJOLUELE tali tu longo okukondjica omikalo donaaale daapagani no tali tu longo onduge jokudiginina naua olutu luetu. Tali pula omapeni 9 (-/9).

OMAEPAULULO ga holoka uo ngashingeji. Tali pula 2/6. **OMATESTAMENTI** gopashikuanjama oge ja nena na ngoka goshindonga omo ge li uo. Etestamenti Lipe tali pula 3/6 nEtestamenti Epe tali landua 3/-.

AAHUMBATI JONJEKA JOMUUA, oljo embo epe ljomahokolo omauanaua. Tali pula 1/3

ENDELELA ANO OKUILANDELA OMAMBO GOJE MANGA INAGA PUA PO !!!



O K A A N D J E T U

OSHONGALELE MONAJENA.

Eongalo ola ongala eti 7 la Maart, 1954.

Osha ongalela omolu outeku uounona, pokati kovadali novalongi veesikola. Opa kundafana oukumue pokati komulongi nomudali nomufikameni novataleli veeskola, va kale kumue meputudo lokanona ka peue ehala okudinina oskola jako.

Okanona ka dimbulukue jo ehala lovakuluŋu vako olili kumue nomulongi uako. Okanona ke li monene eendunge defiku keshe, ile dotundi keshe, okanona ka ha fiue po moilongua kuvakua, okanona ka peue ehala okuninga shanamutete moilongua jako Okanona ngenge itakà dinine efimbo loskola, oskola ngenge tai ka hula poshikako shomudo oo, okanona itaka lunduluka mo mongundu omo, shaashi kake na eendunge, odo tadi ka pitifa mo. Okanona eshi ka njengua okuja mongunduinja, oko otaka kala efiku limue oshondolo okutila koskola, fiyo okanona oka kula, notaka hangika kohoni joku ja koskola. Nokuli okanona ka ninga elai paukriste uako. Oulai ou ua dja peni okovadali? Ile okomulongi?

Natu taleni ounona ngenge veli nee vahapu itava dinine oskola javo, eongalo otali ka kala ngahelipi? Ovaŋu tava kala ve heshi kulesha eendjovo da Kalunga. Ondi shi omulaulu otau ka ninga munene momaongalo etu, ndelene satana ta pangele apeshe.

Ngashi omutaleli ueeskola okua et^o jo oshinima osho she tu kumuifa unene tashi ti, okua lombuelua komuŋu a dja kOndangua e mu hokololela eeloli mbali dijadi oinima jovamati ovauambo tadi shuna kOushimba. Omolua shike tadi shuna ko, oinima nande oko ja dile ko? Ndi shi omoluokudina oskola, ovamati ovauambo eshi inava hala okudinina oskola, nande Kalunga a hala ovauambo va kale jo ovanandunge nomoinima jokolutu jo. Oshongalele ashishe okua li shuu udite ohoni onene shili, oinima kua li ja tumua okukuafa omaumbo, ohe noilongo javo, ndelene oinima ja shuna kOushimba omolu okunjola kovamati, va ti omanjolo avo okua jelekua nokuli neenjala dekola.

Tala ne ove omudali eshi eumbo loje li na oluhepo lu fike apa, osheshi ove ino dinina okanona koje koskola jako. Tala poushinda uoje omakutu oufila uepungu nofiuka nomidjalo keshe ohani ovashiinda otava ka tala oinima jovana kOndangua, eumbo la hepuluka shili omolu oskola ojo ja tekula naua okanona ka likola eendunge okushanga nokuvalula na keshe tuu hashi longua moskola.

Navali oshilongo ngenge tashi dinine eeskola dasho, onena tuu oshilongo tashi kala sha ehena komesho, osho omukunda otau monò omajambeko manene, neongalo tali ka jada oujelele mulo, shaashi ovakriste tava lesa eendjovo da Kalunga ve di udite naua, notadi va ulukile Omuhupifi uounjuni.

Navali ounjuni otau lunduluka, itau kala fika, ahoue otau ende. Notau tale omahombolo opakriste. Efimbo eli tu li na paife ovamati otava pulua okunjola naua, noukadona otava pulua jo okushanga naua.

Hano ngenge to tumu okanona koje kombushe, ile kokadina, ile koinakulu, kala u shi shi efiku limue ito hombolifa omona uoje paukriste ile pangerki. Osho Kalunga okue tu hololela moshongalele shetu. Kalunga na fikife aishe ei ja etua po.

Vilho Kaulinso.

Pokucikama kue okuja ku Suomi felani Lindstrom okue tu tumine omakundilo ogendji, ote tu kundile po ngeji:

Shikaha shoje ngoj, Omuua,
Shi gamenic' auambo mba.
No miita no niombili ndjo,
Moohodi no melago uo.

Ootate jo ja kondjo mpa,
Ji itaale no ja tegama.
Ondjila jauo jetu uo,
Onkalelo ojo tuu ndjo.

Lualo nduka talu ja,
Ondjila ndji taa landula.
Jo evi otaa papula,
Neitaalo ljetu je li na.

L. L.

OJA NJANJUKILUA OMUUA GUAUO.

Megongalo limue mua ningua iigongi jopaasa ngashi sha ningua ngiika mu agehe. Efano alihe tali tu faneketele opaasa Jesus e ji ningile aalongua je, olji itsu miigongi mbjoka. Jesus oje a tumu aalongua je ja ka longekide onzi jopaasa opo e ji lje pamue najo manga inaa hepekua. Mark. 14:15. „Oje no te mu ulukile ondjugo onene jokombanda.” Aantu mboka ja li melongekido l'Uulalelo mboka, ja kumagidua uo ji ilongekidile Jesus, ja lje naje onzi japaasa.

Esiku ljeso l'Omukulili olja tetekele Osondaha moka aakuanegongalo ja li je na okuninga ongalo jauo jomuedi. Ano sho pua leshua oohapu tadi hokolola aakiintu mboka ja tala omudimba gua Jesus mpoka gua langekua, nonkene ja ji je ki ilongekidile omudimba gua Jesus iizimba ja nika naua. Luk. 23:55-56 Aakuanegongalo mboka oja kuatua kenjanju okuilongekidila ongalo j'Osondaha jejumuko ngashi ja lombuelua. MOsondaha jejumuko opua holoka aantu 39, ja tula mongalo noja holola enjanju l'jauo niiponda £5 8/5 Opuu li uo aantu 70, ja holola enjanju l'jauo nokutula mo £1 10/2

Ongalo ndjika £6 18/7 oje tu hololele nkene aantu ja njanjukilua ejumuko l'ja Jesus. Ihe ngoje oto li holola ngiini moku-gandja, moondenda, mukupopja nomokulonga kuoje?

M. K.

TUA TALELUAPO.

Mefiku eti 28/3/54 omusamane Simon Jona e uja pamue novanjasha voko Mundudu. Mefiku olo ongerki oja li ijadi ndondo. Omufitaongalo Thomas Tuutaleni a tameke eudifo pahupi, novasamane Simon Jona a hovela eudifo nokua hokolola ohoole ja Kalunga okuhoola ounjuni. Ovanjasha va imba omaimbilo maua unene, nongerki aishe ja jada oshihomo shomaimbilo. Eongalo alishe ola li la kuatua keshambuko linene shili keemuenjo, neemuenjo dovaŋu da li naanaa da teelela shili sha tashi di komuene, ongovahongua v'Omueene eshi va li va teelela etililo l'Omepo l'japuki. Oŋge nafie jo ohatu halele ovanjasha ava enongeko noupuna la Kalunga. Onje ovanjasha amushe komaongalo aeshe li japulileni Omueene no mu limange nekuamo loudinini moiya jeni.

Mua kundua komunja mukueni
Johannes Helao
Ongenga.

OSHIGONGI SHAAIMBICI.

Oshigongi shaaimbici osha gongala k'Oniipa 16-22 5. 54. Musho mue ja aaimbici 28, aatumua jomagongalo. Okua hupu ouala omagongalo gamue ageke inaga tuma aantu jago. Tua tameke ihe oluimbo luetu nenjanju enene.

Ongula kehe okuza moandaha tua ningilua otundi jombibeli moka tua konakona oramata joondjimbo jometestamenti ekulu ojo ndjika jomapsalmi moka tua fatululilua naua oondjimbo doka di imbua koshiguana sha Kalunga, ano sha Israeli. Ojo ja imbi oondjimbo dehambelelo no degalikano, ngashi tua konakona Eps. 119: 1-9 omoka tua ulukilua kutja: Olucicija luomuenjo no luelago l'jaluhe omoohapu d'Omua, na ongoka a hala a ninge omulago na leshe oohapu da Kalunga nokugalikana. Tua konakona uo omapsalmi galue.

Otundi joluimbo ja tameke ihe, na oonakukala moluiimbo oja njanjukua unene sho jo taa vulu okuimbila Omua nomaui ngaka gauo, ngashi gumue a tumbula megalikano a ti: „Omua otandi ku hambelele sho ua pitika ndje ndi kale moshigongi shika, oonkulungu omo di li domai mo-magongalo ihe ngame ngu ndaa shi onkulungu ua sile ndje ohenda Omua hambelelue shili.”

Aalongi nando oja li po je niilonga ojindji omolu iigongi sho ja li po ojindji, oja diginine shili ootundi dauo noje tu longo nuudiginini oluimbo.

Omasiku agehe ja holoka niipala taji adima kenjanju sho ja hala nokuhalelela oku tu pukulula.

Omaimbilo taga imbua shili naua onga

ngoka inoo gu uva nale. Aaimbi oja njanjukua uo shili sho taa vulu okuimba moonote dondoo ngashi: (D, r, m, f, s, l t d.) Ojendji ja tumbulua ja ti: Uujamba ou cike peni Omua e u tumine mevi l'ja-uambo nenge momagongalo gomOuambo.” Kalunga na hambelelue aluhe.

Iipala joonakukala moluiimbo ja adima uo kenjanju olindji l'ja zi moondjimbo no-ja kala uo nokupukululacana Kehe ngoka okua li a peua opena nombapila opo a shangele mo shoka tashi shangua koshitafula. Gumue a tumbula a ti: Aakuanegongalo kehe ando ja diginine shili okukala moluiimbo luegongalo andola otatu ka mona uujamba uomai gomaimbilo omape nuumvo. Otse atuhe sho tua mono omasiku ga pu ko otua ti: Ando tu peue isheue oshiuike shimue oshoka oshiuike shimue nani esiku limue alike oshoka ihashi lueda okupua ko. Ihe nando ongauo tua likola po ngaa oshindji.

Oshigongi shetu osha li po oshiuana-ua shili na itandi ka dimbua nando oshigongi shika.

Aakuluntu jetu oje tu laleke ngeji: Ka uuviceni noondjimbo doka mua longua mpaka omomagongalo nomomikunda eso nejumuko l'Omua sigo oje ote ja oku mu zimbula mo mepja lje. Otse notua hulica oshituci shetu nehambelelo.

Kalunga kombili oje ne tu pe oonkondo nohokue nehala okukala poondjimbo de oondjapuki noku di ilonga uo.

Kundueni unene komukueni meitaalo nomiita mbika j'Omua okukondjela kela-go l'jaaluhe.

N. Stefanus Mvula.

Omukulili te ende ta kongo Mesilu l'juu-juni mbu,
Mu monike ando epongo A toole omukueji ngu.

A kuluk' a zile megulu A ciki kaakani mbo,
Jo jene aanjengui, kaa vulu Ji ikuce mepunduko.

Omujoni nomukiintu omulunde Na ngo-ka i idimbike,
Nge t'ada, a hala a kunde Ja peue ombili je.

Natango mesiluelela Omukulili t' ende.

Ta kongo omukuejielela a vule e mu hupice.

Omukulili te ende ta kongo Mesilu l'juu-juni mbu,
A monike ando epongo A toole omukueji ngu

„Niin alhaalla...”
(Savelsilta oshifo 1.)



kOndobe:
Natanael Andreas a si 6. 4. 54.
Lot Hatupopi a si 4. 4. 54.
Emilia Moses a si 12. 4. 54.
Justina Katuimine a si 14. 4. 54.

kOshigambo:
Simon Gabriel a si 2 4 54.
Eli Leonard a si 6. 4. 54.
Ismael Nikanor a si 7. 4. 54.
Selma Lot a si 11. 4. 64.
Anna Andreas a si 11. 4. 54.
Ida Sofia Tomas a si 14. 4. 54.
Rosaria Frans a si 15 4. 54.
Sem Petrus a si 21. 4. 54.